

LÖG

um breytingu á sveitarstjórnarlögum, nr. 45/1998, með síðari breytingum.

FORSETI ÍSLANDS

gjörir kunnugt: Alþingi hefur fallist á lög þessi og ég staðfest þau með samþykki mínu:

1. gr.

Við 58. gr. laganna bætist ný málsgrein, svohljóðandi:

Ráðherra skal í reglugerð, sem sett er að höfðu samráði við Hagstofu Íslands og Samband íslenskra sveitarfélaga, mæla fyrir um ársfjórðungsleg skil sveitarfélaga á upplýsingum úr bókhaldi og reikningsskilum til afnota fyrir ráðuneytið, eftirlitsnefnd með fjármálum sveitarfélaga, aðra opinbera aðila og Samband íslenskra sveitarfélaga. Í reglugerð skal nánar mælt fyrir um framsetningu og form slíkra upplýsinga, sem og um rafræn skil þeirra eftir því sem við á.

2. gr.

Eftirfarandi breytingar verða á 74. gr. laganna:

- a. Í stað tilvísunarinnar „skv. 4. mgr.“ í 2. mgr. kemur: skv. 5. mgr.
- b. Á eftir 2. mgr. kemur ný málsgrein, svohljóðandi:

Eftirlitsnefnd skal hafa sama rétt til aðgangs að upplýsingum og þeir aðilar sem kveðið er á um í 70. gr. þessara laga.

3. gr.

Lög þessi öðlast þegar gildi.

Gjört í Reykjavík, 5. maí 2010.

Ólafur Ragnar Grímsson.
(L. S.)

Kristján L. Möller.